

3. gr.

Gjaldskrá þessi, byggir á lögum nr. 81/1988 um hollustuhætti og heilbrigðiseftirlit, er hér með staðfest og gildir frá 1. janúar 1991.

Umhverfissráðuneytið, 16. júlí 1991.

F. h. r.

Páll Líndal.

Sigurbjörg Sæmundsdóttir.
REGLUR**um hreindýraveiðar árið 1991.**

1. gr.

Heimilt er að veiða allt að 1097 hreindýr í Norður-Pingeyjarsýslu, Múlasýslum og Austur-Skaftafellssýslu á tímabilinu 10. ágúst til 15. september árið 1991. Þó getur ráðuneytið leyft veiðar á öðrum árstíma, ef veiðistjóri telur sérstakar ástæður mæla með því, að höfðu samráði við hreindýraeftirlitsmann, sem hlut á að máli.

Veturgamlir tarfar eru friðaðir.

2. gr.

Tala þeirra dýra, sem veidd verða skv. 1. gr., skiptist þannig milli eftirgreindra hreppa og kaupstaða:

	Tarfar	Fjöldi hreindýra		Samtals
		Kýr	Kálfar	
1. Fjallahreppur	1	1	1	3
2. Skeggjastaðahreppur	1	3	1	5
3. Vopnafjarðahreppur	4	8	5	17
4. Fljótaldshreppur	29	60	25	114
5. Jökuldalshreppur	29	60	25	114
6. Fellahreppur	9	20	8	37
7. Tunguhreppur	7	15	6	28
8. Hlíðahreppur	3	6	4	13
9. Hjaltastaðahreppur	14	30	12	56
10. Borgarfjarðahreppur	21	40	16	77
11. Seyðisfjarðarkaupstaður	2	4	2	8
12. Skriðdalshreppur	11	23	9	43
13. Vallahreppur	12	27	11	50
14. Egilsstaðabær	5	11	4	20
15. Eiðahreppur	7	15	6	28
16. Mjóafjarðahreppur	2	4	2	8
17. Norðfjarðahreppur	10	8	3	21
18. Eskifjarðarkaupstaður	10	8	3	21
19. Reyðarfjarðahreppur	3	7	3	13
20. Búðahreppur	1	3	1	5
21. Fáskrúðsfjarðahreppur	1	3	1	5
22. Stöðvarhreppur	2	3	1	6
23. Breiðdalshreppur	26	49	19	94
24. Beruneshreppur	8	15	6	29
25. Búlandshreppur	8	15	6	29
26. Geithellnahreppur	24	45	18	87
27. Bæjarhreppur	13	25	10	48
28. Nesjahreppur	10	20	8	38
29. Bærinn Höfn í Hornafirði	1	3	1	5
30. Mýrahreppur	15	30	12	57
Samtals	289	561	229	1079

3. gr.

Auk þeirra dýra sem skiptast samkvæmt framansögðu, má veiða 18 hreindýr í Borgarhafnarhreppi, óháð aldri og kyni.

4. gr.

Andvirði felldra hreindýra, sbr. 2. gr. og 3. gr. svo og 2. mgr. 5. gr., greiðist í reikning hlutaðeigandi sveitarsjóðs.

Fyrir hvert veitt dýr greiðir sveitarsjóður gjald sem hér segir:

Fyrir tarf	kr. 4500,00
Fyrir kú	kr. 2000,00
Fyrir kálf	kr. 1000,00

Gjaldið skal greitt embætti veiðistjóra fyrir lok desember 1991 og skal því varið til rannsóknna á þeim þáttum í vistfræði hreindýrastofnsins er varða verndun hans og nýtingu, skv. nánari ákvörðun umhverfisráðuneytis.

Að öðru leyti skiptir hver sveitastjórn fénu innan síns svæðis. Skal sveitarstjórn fyrst og fremst láta þá bændur, sem fyrir mestum ágangi verða af hreindýrum á beutilönd eða skógarlönd sín, njóta arðs af veiðunum en síðan sveitarsjóð enda greiði hann hæfilega þóknun hreindýraeftirlitsmanni og þeim mönnum sem eru honum til aðstoðar við veiðarnar. Heimilt er þó að þeir fái í sinn hlut hreindýraafurðir í stað greiðslu.

Valdi hreindýr spjöllum eða geri átroðning á eyðijörðum, er sveitarstjórn heimilt að taka nokkurt tillit til þess við skiptingu arðs af hreindýraveiðum.

Ekki er heimilt að selja veiðileyfi.

5. gr.

Einn hreindýraeftirlitsmaður skal vera í hverju sveitarfélagi, sem nefnt er í 2. og 3. gr., nema samkomulag verði um það að einn eftirlitsmaður verði fyrir tvö sveitarfélög. Skal hann ráðinn af veiðistjóra að fengnum tillögum hlutaðeigandi sveitarstjórnar og að höfðu samráði við sýslumann.

Hreindýraeftirlitsmenn framkvæma ásamt aðstoðarmönnum, sem þeir velja, þá fækkun hreindýra sem ákveðin er.

Aðalumsjón með hreindýrunum annast sá eftirlitsmaður sem ráðinn er fyrir Fljótaldshrepp og hefur hann umsjón með störfum hinna eftirlitsmannanna.

Hreindýraeftirlitsmenn og aðstoðarmenn þeirra hafa ekki heimild til þess að fella hreindýr í öðru sveitarfélagi en því sem þeir eru ráðnir fyrir, nema með samþykki hlutaðeigandi sveitarstjórnar og að höfðu samráði við hreindýraeftirlitsmann þar.

6. gr.

Þeir einir mega annast fækkun hreindýra, sem til þess hafa næga skotfimi og kunnáttu í meðferð skotvopna að dómi hlutaðeigandi lögreglustjóra. Þess skal gætt að þeir fullnægi ákvæðum laga um leyfi til þess að eiga og nota skotvopn, sbr. lög nr. 46/1977 og reglugerð nr. 16/1978, sbr. reglugerð nr. 174/1979 og reglugerð nr. 474/1988.

Aðalumsjónarmaður, skv. 3. mgr. 5. gr., ákveður hvaða tegund og stærð skotvopns (riffils) skuli nota. Eigi er þó leyfilegt að nota minni stærð riffils en cal. 243.

7. gr.

Sá sem særir dýr er skyldur að gera allt, hvað hann getur, til þess að aflífa það.

Hvorki má skjóta hreindýr úr vélknúnu farartæki né nota það til að smala hreindýrum á ákveðinn veiðistað.

8. gr.

Hreindýraeftirlitsmenn skulu senda veiðistjóra skýrslu um veiðarnar strax að veiðitíma loknum, sbr. 1. mgr. 5. gr.

9. gr.

Óheimilt er að hafa hreindýrakjöt til sölu nema það hafi verið skoðað og metið af dýralækni, sbr. ákvæði laga nr. 30/1966 um meðferð, skoðun og mat á sláturafurðum.

10. gr.

Brot á reglum þessum, sem settar eru skv. lögum nr. 28/1940 um friðun hreindýra og eftirlit með þeim, svo og breytingu á þeim lögum nr. 72/1954, sbr. og 7. gr. laga nr. 47/1990, sæta meðferð að hætti opinberra mála.

Reglur þessar öðlast þegar gildi og falla jafnframt úr gildi reglur nr. 329/1990 um hreindýraveiðar árið 1990. Einnig falla úr gildi reglur nr. 210/1991, um hreindýraráð.

Umhverfissráðuneytið, 24. júlí 1991.

Eiður Guðnason.

Páll Líndal.

Nr. 356

9. júlí 1991

REGLUGERÐ**um gjöld fyrir þjónustu veitta af Ríkismati sjávarafurða.**

1. gr.

Ríkismat sjávarafurða skal taka gjald fyrir vinnsluleyfi sem það gefur út til fiskvinnslustöðva og fyrir hæfnisvottorð sem það gefur út til fiskiskipa.

Vinnslustöðvar og fiskiskip skulu hljóta vinnsluleyfi og hæfnisvottorð að jafnaði einu sinni á ári.

Fyrir vinnsluleyfi til fiskvinnslustöðva samkvæmt 2. mgr. skal greiða gjald eins og hér segir eftir vinnslugreinum:

	kr.
1. Grásleppustöðvar	2 000,00
2. Salfisk-, síldarsöltunar- og skreiðarstöðvar	8 000,00
3. Lagmetisverksmiðjur, frystihús þ.m.t. skelfiskvinnslustöðvar og frystitogarar	15 000,00
4. Bráðabirgðavinnsluleyfi er veitt þeim vinnslustöðvum sem hafa þá ágalla að fullnægja ekki settum reglum um hreinlæti og búnað en teljast þó hæfar til matvælaframleiðslu að mati Ríkismats sjávarafurða. Hámarksgildistími bráðabirgðaleyfis er 3 mánuðir. Fyrir bráðabirgðaleyfi skal greiða sama gjald og tiltekið er í 1.–3. tl. hér að ofan.	

Fyrir hæfnisvottorð til fiskiskipa samkvæmt 2. mgr. skal greiða eins og hér segir:

	kr.
1. Fiskiskip 1–50 brúttórúmllestir	3 000,00
2. Fiskiskip 51–200 brúttórúmllestir	6 000,00
3. Fiskiskip 201 brúttórúmllestir og stærri	12 000,00
4. Fyrir bráðabirgðahæfnisvottorð sem gildir hámark 2 mánuði skal greiða skv. 1.–3. tl. hér að ofan.	

Gjald fyrir hæfnisvottorð samkvæmt þessari grein skal innheimt við afhendingu vottorðsins.